



BASES PARA A CONCESIÓN DE SUBVENCIONS A ENTIDADES ASOCIATIVAS, AGRUPACIONES E ASOCIACIONES DE VECIÑOS PARA A REALIZACIÓN DE OBRAS E ESTABLECEMENTO, AMPLIACIÓN E MELLORA DE SERVIZOS DE INTERESE VECIÑAL.

**Base 1. Obxecto.**

A presente convocatoria ten como finalidade articular axudas a comunidades veciñais, agrupacións ou asociacións de veciños para a realización de obras de acondicionamento no eido urbano e rural.

Para tales efectos as obras referiranse á execución de pequenos abastecementos de auga potable, saneamentos, pavimentacións, rede de sumidoiros, iluminacións públicas, acondicionamento de camiños rurais, instalación de pequenos repetidores de TV, arranxo e acondicionamento de capelas, fontes, hórreos, muíños, obras de acondicionamento e arranxo de locais sociais, así coma pequenas infraestruturas deportivas e outras análogas.

**Base 2. Réxime de concorrencia.**

As subvencións ás que se refiren as presentes bases convócanse en réxime de concorrencia competitiva.

**Base 3. Contía da subvención.**

A contía global destinada a esta actuación é a que figura no orzamento da Excm. Deputación Provincial para a anualidade da respectiva convocatoria.

A contía de cada subvención individualmente concedida non poderá superar a cantidade de DOCE MIL EUROS e non poderá exceder do 75 % do importe da actividade subvencionable.

**Base 4. Perceptores de subvencións.**

Poderán ser perceptores das subvencións, as asociacións de veciños e colectivos cidadáns que o que soliciten sempre que reúnan os seguintes requisitos:

- a) ser asociacións de veciños ou colectivos veciñais, sen ánimo de lucro.
- b) desenvolver a súa actividade e solicitar a subvención para a execución das obras en calquera municipio da provincia de Lugo.

**Base 5. Dereitos e obrigas dos perceptores.**

A entidade ou colectivo receptor da subvención terá os dereitos e obrigas sinalados no art. 5 da Ordenanza xeral de subvencións da Excm. Deputación provincial de Lugo.

Así mesmo deberá facerse constar expresamente o patrocinio da Deputación de Lugo en todos os medios utilizados para a divulgación das obras subvencionadas.



### **Base 6. Solicitudes**

As solicitudes presentaranse no Rexistro Xeral da Excma Deputación Provincial no prazo establecido na respectiva convocatoria, xunto coa seguinte documentación:

-Proxecto concreto ou memoria valorada, para o que se pretende a subvención e orzamento pormenorizado dos gastos e ingresos a realizar para a súa execución, así coma o seu sistema de financiamento.

-Sistemas de seguimento e autoavaliación da execución do proxecto, de acordo co sinalado ao efecto na convocatoria.

- Declaración responsable das subvencións recibidas de institucións públicas ou privadas para o mesmo proxecto.

- Calquera outro documento que se considere necesario para permitir unha mellor valoración da subvención solicitada.

### **Base 7.- Criterios de adxudicación.**

Os criterios obxectivos aos que haberá de axustarse a concesión das subvencións serán os seguintes:

a) Inexistencia ou insuficiencia de cobertura pública ou privada para dar satisfacción real á necesidade á que se dirixen.

c) A información dispoñible na Deputación Provincial sobre a situación e necesidade de actuacións, así coma as prioridades nos proxectos presentados, en relación cos sectores de poboación destinatarios, na respectiva convocatoria na zona na que desenvolverá a actuación.

c) Número de veciños beneficiados pola obra.

d) Viabilidade do proxecto e do plan orzamentario.

e) A adecuación do custo das actuacións e a participación dos solicitantes no financiamento da mesma.

f) Grao de execución e correcto cumprimento das obrigas derivadas de actuacións subvencionadas con anterioridade.

h) que as actuacións proxectadas se refiran a servizos de obrigatoria prestación en todos os termos municipais que se establezan ou completen os existentes no termo municipal.



i) Que as actuacións proxectadas teñan un marcado interese comunitario de forma que reforen a estrutura social e supoñan un beneficio colectivo para o interese de todos os cidadáns do municipio.

O órgano competente para a convocatoria do procedemento será o Ilmo. Sr. Presidente da Excma. Deputación Provincial.

O beneficiario da subvención deberá xustificar, por escrito, a realización completa da obra subvencionada, no prazo dun mes dende que finalice o período de execución de dita obra, que en ningún caso poderá exceder do 31 de decembro do exercicio orzamentario para o que sexa concedida, podéndose ampliar o prazo, xustificadamente, sen que poida superar o 31 de marzo do exercicio orzamentario seguinte

Non existirá a posibilidade de efectuar pagos anticipados e abonos a conta das subvencións concedidas.

As subvencións provinciais serán incompatibles con outras subvencións, axudas, ingresos ou recursos para a mesma finalidade, procedentes de calquera administracións ou ente público ou privado, nacional, da Unión Europea ou de organismos internacionais, salvo que a cantidade subvencionada non alcance o orzamento máximo da obra. Nese caso poderanse compatibilizar ata a contía de devandito orzamento.

**Base 8. Presentación de solicitudes e prazos, lugar de presentación e órgano ao que se dirixe a petición. Documentación a presentar polas asociacións e outras entidades con personalidade xurídica.**

A presentación de solicitudes farase da forma establecida nos arts. 8, 9 e 10 da Ordenanza xeral de subvencións da Excma. Deputación Provincial de Lugo.

**Base 9. Participación de colectivos cidadáns sen personalidade xurídica**

Poderán acceder á condición de beneficiario as agrupacións de persoas físicas ou xurídicas, as comunidades de bens ou colectivos cidadáns que, aínda carecendo de personalidade xurídica, poidan levar a cabo os proxectos obxecto de subvención.

Nestes supostos, os solicitantes, ademais da documentación sinalada na Base 6 deberán presentar:

- Datos persoais do representante do colectivo (nome e apelidos, NIF, domicilio, teléfono, e-mail, etc.).
- Relación nominal, coa súa aceptación expresa, das persoas que integran o proxecto.
- Declaración xurada do representante legal de non atoparse inhabilitado para contratar coas AA.PP. ou para obter subvención das mesmas e de atoparse facultado para actuar no seu nome.
- Datos dunha conta bancaria mancomunada con polo menos tres titulares.
- Declaración de responsabilidade solidaria de todos os solicitantes.



### **Base 10. Comisión de Valoración**

Para a valoración dos proxectos constituirase unha comisión de valoración, cuxa composición será a seguinte:

**PRESIDENTE:**

O Ilmo.Sr. Presidente da Deputación Provincial ou Deputado en quen delegue ou ou substitúa legalmente.

**VOGAIS:**

- a) Un representante do grupo provincial do PSOE
- b) Un representante do grupo provincial do BNG
- c) Un representante do grupo provincial do PP
- d) O Deputado Delegado de ordenación e asistencia aos municipios
- e) O Secretario Xeral da Corporación ou funcionario en que delegue ou substitúa
- f) A Interventora Xeral da Corporación ou funcionario en que delegue ou a substitúa
- g) **SECRETARIO:**

O Secretario Xeral Adxunto ou funcionario en que delegue ou o substitúa.

O Presidente da Comisión poderá dispor a presenza doutros membros con funcións de asesoramento.

Corresponde á comisión de valoración formular a proposta de resolución. A proposta, que non terá carácter vinculante, deberá expresar o solicitante ou a relación de solicitantes para os que se propón a concesión da subvención, e a súa contía, expresando os criterios de valoración seguidos para efectualas.

### **Base 11. Resolución**

Será competente para resolver as solicitudes de subvención a Xunta de Goberno. O prazo máximo para resolver as solicitudes de subvención será de tres meses contados a partir do día da conclusión do prazo establecido na convocatoria para presentalas e o silencio da administración terá carácter desestimatorio.

Non se concederá subvención algunha ata tanto non se xustifiquen axeitadamente subvencións anteriores.

### **Base 12. Pago da subvención**

O pago da subvención realizarase previa xustificación polo beneficiario, da realización do proxecto para o que se concedeu.

Producirase a perda do dereito ao cobro total ou parcial da subvención no suposto de falta de xustificación ou de concorrencia dalgunha das causas previstas no artigo 37 da LGS.



Non se poderá realizar o pago da subvención mentres o beneficiario non estea ao corrente no cumprimento das súas obrigas tributarias e fronte á Seguridade Social ou mentres sexa debedor por resolución de procedencia de reintegro.

### **Base 13. Xustificación das subvencións**

A xustificación das subvencións farase de acordo co disposto no art. 19 da Ordenanza xeral de subvencións e consistirá, en todo caso, na acreditación da aplicación dos fondos percibidos á obra proxectada

Á xustificación haberá de acompañarse informe no cal se acredite tanto que a obra se executou de acordo coa solicitude presentada, coma que a subvención cumpriu a regra de adecuarse aos fins para os que se concedeu.

### **Base 14. Documentación adxunta á acreditación e requisitos que haberán de reunir as facturas**

A acreditación da realización do proxecto ou actividade subvencionada, efectuarase polos medios recollidos no art. 20 da Ordenanza xeral de subvencións. Así mesmo os requisitos que deberán reunir as facturas presentadas serán os esixidos no art. 21 de devandita norma.

### **Base 15. Gastos subvencionables**

De conformidade co disposto no art. 23 da Ordenanza xeral de subvencións, os gastos subvencionables conceptuaranse da forma e nas condicións establecidas no devandito artigo e, en concreto, serán subvencionables aqueles que de xeito indubitado respondan á natureza da actividade subvencionada. Asemade, tal como dispón o devandito precepto, en ningún caso o custo de adquisición dos gastos subvencionables poderá ser superior ao valor de mercado.

Cando o importe do gasto subvencionable supere a contía de 30.000 euros de custo por execución da obra, o beneficiario deberá solicitar como mínimo tres orzamentos e os criterios de elección deberanse razoar con base en criterios de eficiencia e economía.

Considerarase gasto subvencionable aquel referido actividade subvencionada aínda que non fora efectivamente pagado con anterioridade a data de xustificación.

En ningún caso serán gastos subvencionables:

- I Os intereses debedores das contas bancarias.
- II Intereses, recargas e sancións administrativas e penais.
- III Os gastos de procedementos xudiciais.



### **Base 16. Réxime xurídico**

En todo o non contemplado nestas bases estarase ao disposto en:

- a) A Lei estatal 38/2003, de 17 de novembro, Xeral de Subvencións
  - b) R. D. 887/06, de 21 de xullo, polo que se aproba o Regulamento de Subvencións.
  - c) Lei 9/2007, de 13 de xuño, de Subvencións de Galicia
  - d) Decreto 287/2000, de 21 de novembro pola que se desenvolve o réxime de axudas e subvencións públicas da Comunidade Autónoma de Galicia declarado vixente na disposición derogatoria única apartado 2 b) da Lei 9/2007, do 13 de xuño de Subvencións de Galicia en canto non se opoña ao establecido na lei.
  - e) A Ordenanza xeral de subvencións da Excma. Deputación Provincial de Lugo, aprobada por acordo do Pleno de data 28 de febreiro de 2005.
  - f) O Regulamento Orgánico da Deputación
  - g) Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión.
-